

Risalah HALUANPalestin

Disember 08
www.haluan.org.my

GAZA MENANGIS... !!!

Gaza: Pesawat-pesawat tempur Zionis Israel menggempur sejumlah bangunan Universiti Islam di Gaza sehingga mengakibatkan hancur berantakan.

Selama lebih dari 41 tahun Palestin dibawah penjajahan Israel, korban kali ini yang terbanyak. Lebih dari 271 warga Palestin gugur sebagai syuhada dan 750 lainnya cedera dalam serangan besar-besaran roket Israel Sabtu pada 27/12.

Lebih dari 200 pesawat tempur F 16 Israel meraung-rang di atas langit Gaza. Mereka melancarkan serangan besar-besaran, membunuh warga Palestin yang tidak berdosa. Lebih dari 50 serangan Israel kelmarin bergema di seluruh Gaza. Situasi ini semakin parah dengan terputusnya bekalan elektrik di Gaza akibat serangan serta habisnya ubat-ubatan di kebanyakan hospital, mengakibatkan jumlah korban terus meningkat.

Jabatan Kesihatan Palestin menyatakan, lebih dari 271 warga meninggal dunia dan 750 lainnya cedera. 200 diantaranya luka parah. Mereka terdiri dari anak-anak dan wanita. Kemungkinan korban akan terus bertambah. Jumlahnya mencapai 350 orang.

Direktor Kecemasan Palestin, Muawiyah Husnain menyebutkan, saat ini ada sekitar 15 syuhada yang gugur yang belum diketahui identitinya. Sementara itu ada sekitar 80 syahid lainnya yang sudah dievakuasi ke sejumlah hospital di Gaza dan puluhan lainnya masih tertimbun di bawah reruntuhan gedung yang roboh akibat serangan udara Israel.

Hingga tadi pagi (Ahad 28/12) pasukan udara Israel belum berhenti melakukan serangannya ke berbagai wilayah di Jalur Gaza. Yang paling mengkhawatirkan ungkap Husnain adalah bekalan ubat-ubatan semakin meruncing serta kekurangan peralatan kecemasan serta minimumnya alat-alat untuk pembedahan. Ia menghimbau Negara-negara Arab dan ikatan Doktor Antarabangsa untuk mengirinkan ubat-ubatan secepatnya ke Jalur Gaza.

Majoriti yang cedera parah keadaannya sangat mengkhawatirkan. Tidak mungkin mereka dipindahkan ke luar Gaza, kecuali jika situasi sudah mulai reda. Pasukan Kecemasan juga meminta dikirinkan helikopter agar dapat menangani mangsa yang cedera parah dengan lebih pantas. (Sumber: *InfoPalestina*)

Berdoalah...

HALUANPalestin mengajak kita untuk berdoa. Marilah kita berusaha apa sahaja yang kita mampu untuk membantu saudara-saudara kita di Gaza khususnya, dan di Palestin amnya. Mari kita berdoa bersama. Berilah masa seminit dua untuk kita berdoa. Semoga ALLAH memakbulkan doa kita.

Berdoalah...

Agar nanti bayi-bayi yang mati terbunuh, remaja-remaja yang tidak sempat dewasa, ibu yang kehilangan anak, isteri yang kehilangan suami, para pemuda dan pejuang-pejuang yang syahid, tidak menjadi saksi atas kecuaiannya kita kepada mereka.

Mereka saudara kita. Bukankah ALLAH telah berfirman... **“ Sesungguhnya setiap mu'min itu bersaudara...”**

Rasulullah SAW juga telag bersabda,

“ Mu'min dengan mu'min itu ibarat satu jasad, kalau sakit satu bahagian jasad itu, yang lain juga akan terasa”

Berdoalah bersama-sama... Semoga ALLAH merahmati kita.

Al Qaradhawi: Dunia Arab Bertanggung Jawab atas Bumi Hangu Gaza.

Syeikh Dr. Yusuf Al Qaradhawi, Ketua Persatuan Ulama Muslim Antarabangsa menegaskan: *"Apa yang terjadi di Gaza sekarang ini menuntut setiap umat manusia tidak terkecuali, baik warga negaranya atau pemerintahnya untuk membela hak-hak bangsa Palestin di Gaza yang sedang mengalami pembunuhan secara massif dan massa.."*



Beliau menambahkan:

"Zionis Israel tidak merasa cukup dengan membedil Gaza saja, bahkan mereka melancarkan serangan yang membabi buta terhadap rakyat Palestin yang sedang memperjuangkan bumi dan kehormatannya."

Beliau juga menyindir dengan sikap berdiamdiri Dunia Arab dan negara-negara dunia.

Beliau menyatakan bahawa negara-negara Arab bertanggungjawab atas apa yang sekarang terjadi di Gaza, karena mereka diam tidak memberi sebarang aksi dan tindakan, padahal mereka mampu untuk melakukannya. Beliau mempertanyakan:

"Mana suara lantang kita yang mampu menggerunkan penjajah Israel?!"

Beliau juga tidak boleh menerima diamnya universiti Islam di dunia Arab dan lembaga muktamar Islam. Beliau menuntut kepada mereka agar berdiri tegar bersama melawan penghancuran bangsa Palestin.

Beliau menyeru negara Mesir, Arab Saudi dan negara-negara Teluk untuk tegas berani melawan kezaliman dan membela bersama orang-orang yang terzalimi.

Sekretariat HALUANPalestin menyeru:

1. Kepada segenap umat dan bangsa Arab dan Islam ... mulai saat ini, bersegeralah membantu dan mendukung perjuangan warga Palestin, berkorban demi kesucian negeri Palestin; untuk melawan kebiadaban Zionis dan tindakan pembantaian yang kejam terhadap bangsa Palestin dengan jelas dan terang-terangan.
2. Kepada Pertubuhan Arab dan Islam... harus bertanggungjawab terhadap peristiwa yang terjadi dan berdiri dalam satu barisan bersama umat dan membatalkan hal-hal yang berkaitan dengan kesepakatan perdamaian bersama musuh zionis.
3. Kepada pemerintah dan pemimpin Arab dan Islam.. hendaklah menunaikan tugas dan kewajibannya, seperti:
 - a. Berdiri tegak bersama umat dalam menolak perilaku zalim dan kejam zionis, dan memberikan bantuan untuk para penduduk di Palestin.
 - b. Memutus hubungan atau segala bentuk komunikasi langsung atau tidak langsung dengan zionis dan sekutunya.
 - c. Menerapkan semangat kesepakatan dalam negara Islam dan bersegera bersatu untuk mempertahankan bumi Palestin.
 - d. Memberikan bantuan segera kepada rakyat Palestin samada dari segi perubatan, kewangan, bekalan makanan, bantuan kemanusiaan dan ketenteraan dengan kadar segera.

Hendaknya Zionis teroris menyedari bahawa mereka tidak akan mampu membendung dan menghentikan semangat rakyat Palestin mempertahankan bumi mereka sedikitpun sebaliknya mereka akan mendapat kehinaan dan kehancuran.

HULURKAN SUMBANGAN ANDA UNTUK MEMBANTU RAKYAT PALESTIN:

Nama Akaun: Tabung Palestin HALUAN

No Akaun: 14-023-01-003429-2

Bank: Bank Islam Malaysia Berhad

Penyelaras Sekretariat HALUANPalestin: Dr. Arbain Syawal – 016 710 1062